


2023ko urtarrilean erregistratutako langabezia

2023ko urtarrilean, 2.107 langabe gehiago erregistratu dira LANBIDEn bulegoetan, hau da, % 1,9ko igoera; guztira 112.905 langabetu daude. Urtarril honetako portaera bat dator urtarril arrunt baterako aurreikusitakoekin, non langabezia igo egiten baita; azken hilabete honetan jasotako igoera aurreko bi urteetako baino zertxobait handiagoa da, baina 2020koa baino txikiagoa.



Erregistratutako langabeen kopurua, 2009tik izandako txikiena da urtarril bat izateko. Ordutik gehien hurbildu den urtarrila iazkoa izan zen, aurtengo hil honetan baino 3.039 langabe gehiago zenbatu baitira. Errekuperazio azkar baten ondoren, urtetik urterako saldoak gero eta suspertze leunagorako joera erakusten du. Profila Vko krisi baten ohiko profila da, langabeziaren hazkunde handi eta bizkorrekin eta modu bereko errekupeazioarekin.

Gaur egun, erregistratutako langabeen kopurua, 2013ko martxoko maximo historikotik 66.436 langabetura dago; hilabete hori izan zen 2008an hasitako krisiaren unerik txarreana. Gaur egun, 2007ko ekainean baino 41.950 langabe gehiago daude, orduan erregistratu baitzen azken markadetako minimo historikoa.

Beste urtarril batzuen balio maximo eta minimoekin alderatuz, urtaroen eragina neutralizatzeke, aldeak pixka bat murriztu dira balio maximo eta minimoarekiko. 2023ko urtarrileko langabeen kopurua 2013ko urtarrilekoa baino 59.337 txikiagoa da.



• S E X U A

Langabeziak gora egin du emakumeen artean (+2.094) eta egonkor dirau gizonen artean (+13); behin-behineko modu batean, abenduan emakumeei lan-aukera gehiago eman ondoren, ohikoa da urtarrilean emakumeen langabeziak gora egitea. Baina urteko erlazioan, langabeziaren jaitsiera gizonen artean gertatu da soilik (-2.978), eta emakumeen artean, berriz, 61 pertsonatan baino ez da jaitsi. Krisiaren hasieran gizonak izan ziren kaltetuenak, gero, berriz, berreskuratzeko gaitasun handiagoa erakutsi dute. Gizonezkoen langabetuen kopurua 2020ko urtarrilean erregistratutakoa baino 3.650 txikiagoa da, eta emakumezkoena, aldiz, 1.094 txikiagoa soilik. Gaur egun, langabeen % 57,6 emakumeak dira.

• A D I N A

Nabarmentzekoa da gazteen artean langabeziak izan duen gorakada, batez ere 25 urtetik beherakoen artean; aurreko hilean baino % 6,19 gehiago daude. Adin-tarte guztietan handitu da langabezia. Urte arteko saldoan portaera bikaina ikusi da 35-44 urte bitarteko tartean, % 6,81eko jaitsierarekin. Urteko erreferentzian, erregistratutako langabezia, 54 urtetik gorakoaren artean bakarrik hazi da (+%2,38).

• J A R D U E R A E K O N O M I K O A

Urtarrilean, nabarmentzekoa da zerbitzuetako langabeziaren igoera (+%3,20), baina gainerako sektoreetan behera egin du; lehen sektorean % 2,25 jaitsi da, industrian % 2,07 eta eraikuntzan % 1,35. Desagregazio-maila handiagoan, urtarrilean, aldi baterako laneko enpresekin, hezkuntzarekin, produktu metalikoen fabrikazioarekin, metalurgiarekin, motorren fabrikazioarekin eta eraikuntza espezializatuko jarduerekin lotutako langabeen kopuruaren jaitsiera nabarmentzen da. Hala ere, nabarmen igo dira egoitza-establezimenduetatik eta gizarte-zerbitzuetatik, merkataritza, eraikinetarako zerbitzuetatik, osasun-zerbitzuetatik eta ostalaritza datozen langabeak.

Iazko egoerarekin alderatuta, nabarmentzekoa da egon den beherakada honako hauetan; lan-espereientzia ez dutenak, eraikuntza eta merkataritza. Aldiz, gora egin du langabeziak honako jarduera hauetan: egoitza-establezimenduak, administrazio publikoa, eraikinetarako zerbitzu eta lorezaintza, enplegua, gizarte-zerbitzuak eta hezkuntza.

Xehetasun-maila handiagoan, honako hauek izan dira azken hilabeteen langabeziaren jaitsieragatik gehien nabarmendu diren jarduerak:

Enpleguarekin lotutako jarduerak	-845
85 Hezkuntza	-494
25 Produktu metalikoen fabrikazioa, makineria izan ezik	-152
24 Metalurgia; burdinazko, altzairuzko eta ferroaleaziozko produktuak	-98
29 Ibilgailu motordunen, atoiaren eta erdi-atoiaren fabrikazioa	-52
43 Eraikuntza espezializatuko jarduerak	-48

Erregistratutako langabeziaren igoeragatik nabarmentzen diren jarduerak:

87 Egoitza-establezimenduetako laguntza	836
47 Txikizkako merkataritza	595
81 Eraikinetarako zerbitzuak eta lorezaintzako jarduerak	412
88 Ostaturik gabeko gizarte-zerbitzuen jarduerak	300

2023ko urtarrilean erregistratutako langabezia

86 Osasun-jarduerak	285
56 Janari- eta edari-zerbitzuak	275
53 Posta- eta posta-jarduerak	194
82 Bulegoko administrazio-jarduerak eta beste enpresa laguntzaile batzuk	145
97 Etxekoen unitateak etxeko langileen enplegatzaile gisa	120
46 Handizkako merkataritza eta merkataritzako bitartekariak	111

• LANGABEZIAREN IRAUPENA

Hilabete horretan, iraupen luzeko langabezia 272 pertsonatan murriztu da (-%0,5), eta iraupen laburrekoa 2.379 pertsonatan igo da (+%4,22). Urteko erreferentzian, jaitsiera handiagoa ikusten da luzaroko langabeen kolektiboan, % 6,9 jaitsi baita; iraupen laburreko pertsonen artean, berriz, % 1,67 igo da. Krisiaren luzapenak iraupen luzeko langabeziaren hazkunde nabarmena eragin zuen, eta, zorionez, hori gutxitzen ari da; baina oraindik 54.118 langabe luzaroko langabeak dira(% 47,9) .

Luzaroko langabezia handiagoa da 44 urtetik gorakoen artean, emakumeen artean, eta Bizkaian bizi diren langabeen artean. Azken hilabeteen bilakaera erlatibo onena izan dute Gipuzkoan bizi diren gizonek eta 30 urtetik beherakoek.

• LANGABETUEN KOKAPEN GEOGRAFIKOA

Hilabete honetan langabezia gehien hazi den lurraldea Araban izan da; Bizkaian eta Gipuzkoan igoera askoz apalagoa izan da. Araban, abenduan baino 863 langabe gehiago daude, 19.863 pertsona hain zuzen ere (% 4,54ko gehikuntza); Bizkaiak 63.157 langabe ditu, 2022ko abenduan baino 796 gehiago, eta % 1,28ko igoera izan du; Gipuzkoan aurreko hilean baino 448 langabe gehiago daude, 29.885 pertsona, % 1,52ko gehikuntza.

Urteko saldoan, portaerarik onena Bizkaiari dagokio, erlazio-jaitsiera % 3,64koa izan baita; ondoren, Gipuzkoa dator, % 3,17ko jaitsierarekin, eta Araba da langabezia igo den lurralde bakarra, % 1,67ko hazkundera izan baitu.

Euskal hiriburuen artean, Vitoria-Gasteiz da portaera txarrena erakusten duena, 452 langabetu gehiago izan baitu; Donostian 203 langabe gehiago daude, eta Bilbon 145 baino ez.

Langabezia honako eskualdeetan hazi da gehien; Ezkerraldea (+425), Txorierri (+112), Gobela (+90), Oarsoaldea (+89) eta Busturialdea (+81). Durangaldea da beherakada handiena izan duen eskualdea (-195); Debagoiena (-45), Goiherri (-30) eta Debabarrena (-30) dira beste eskualde batzuk.

Urtarrilean erregistratutako langabezia-indize handienak izan dituzten udalerriak Zanzbrana (% 16,91), Sestao (% 16,58), Alonsotegi (% 16,32), Oion (% 15,97) eta Amurrio (% 15,43) izan dira

• LANGABEZIA - PRESTAZIOA

2023ko urtarrilean, 37.845 langabek, aurreko hilean baino 852 gehiagok, kobratu zuten langabezia-prestazioren bat. Gaur egun, langabetu guztien % 33,5ek langabezia-prestazioren bat jasotzeko eskubidea du. 21.087 langabek, guztien % 18,7k, kotizaziopeko prestazioa jasotzen du, eta 16.758k, % 14,84k, langabezia-subsidioren bat. Gipuzkoa da babes handiena duen lurralde historikoa, % 36ko tasarekin; Bizkaian % 32,5ekoa da eta Araban % 33,0koa.

2023ko urtarrilean erregistratutako langabezia

Aurreko hilaren aldean, langabeziagatiko estaldura-tasa 1,9 puntu igo da, eta iazko datuekin alderatuta, 2,62 puntu jaitsi da

• J A T O R R I A

Langabeen artean, 18.923 (% 16,8) atzerritarrak dira. Abenduaren aldean, langabezia % 1,29 igo da atzerritarren artean, eta bertakoen artean % 2,03. Urte arteko bilakaeran, atzerriko langabetuak % 0,68 igo dira, eta % 3,26 jaitsi dira bertakoak.

Atzerriko langabeen % 33,5 Afrika iparraldekoak dira, % 24,1 Latinoamerikakoak, % 17,3 Europako Esparru Ekonomikotik etorritakoak, % 12,7 Saharaz hegoaldeko Afrikakoak eta % 6,4 Asiakoak. Azken hilabeteen, Latinoamerikako jatorria duten pertsonen artean igo da gehien langabezia (+225).

• I K A S K E T A M A I L A

Urtarrilean, LANBIDEk ahalegina egin du profesionaltasun-ziurtagiriak dituzten pertsonen errealitatea eskaeran islatutako maila akademikora egokitzeko. Horrek nabarmen aldatu du erregistratutako langabeziaren osaera maila akademikoaren arabera.

62.777 langabek, guztien % 55,6k, asko jota, derrigorrezko hezkuntzako ikasketak dituzte. Azken hilabeteen, oinarrizko prestakuntza-maila duten langabetuak 3.808 gutxiago izan dira (% 5,72). Azken urtean, langabeziaren beherakada % 10,96koa izan da oinarrizko prestakuntza-maila dutenen artean.

Batxilergoa egin duten langabetuak langabeen % 7,7 dira. Azken hilabeteen % 10,14 jaitsi dira eta azken urtean % 10,33 murriztu dira.

Lanbide Heziketako ikasketak dituzten langabetuak 27.517 dira, guztizkoaren % 24,4. Urtarrilean % 33 igo dira, eta azken urtean % 28,26.

Azkenik, % 12,3k (13.887 pertsona) unibertsitate-ikasketak ditu. Ikasketa-maila hori duten langabeen kopuruak % 0,52 egin du gora hilean, eta % 1,52 urtean

• K O N P A R A K E T A E S T A T U K O D A T U E K I N

Estatuan, Estatuko langabezia % 2,49 igo da, 70.744 pertsona gehiago, eta guztira 2.908.397 langabe daude erregistratuta; EAEn, berriz, erregistratutako langabezia % 1,9 igo da. Erkidego mugakideetan, Nafarroak bakarrik du EAEk baino portaera hobe, % 1,23ko hazkundearekin. Errioxan % 3,05 igo da, Kantabrian % 3,4 eta Gaztela-Leonen % 2,98. Katalunian % 1,53 igo da, eta Madrilan % 3,74.

Lan-eskatzaile langabeak 2023ko urtarrilean

	Urt-2023	Abe-2022	Saldoa	Bil %
SEXUA:				
GIZONEZKOAK	47.858	47.845	13	0,03
EMAKUMEZKOAK	65.047	62.953	2.094	3,33
25 URTEZ AZPIKOAK:				
GUZTIRA	17.757	16.933	824	4,87
GIZONEZKOAK	8.551	8.273	278	3,36
EMAKUMEZKOAK	9.206	8.660	546	6,30
25-44 URTE:				
GUZTIRA	33.777	33.506	271	0,81
GIZONEZKOAK	13.195	13.413	-218	-1,63

2023ko urtarrilean erregistratutako langabezia

EMAKUMEZKOAK	20.582	20.093	489	2,43
45 URTEZ GORAKOAK:				
GUZTIRA	61.371	60.359	1.012	1,68
GIZONEZKOAK	26.112	26.159	-47	-0,18
EMAKUMEZKOAK	35.259	34.200	1.059	3,10
SEKTOREA:				
NEKAZARITZA ETA ARRANTZA	2.130	2.179	-49	-2,25
INDUSTRIA	11.495	11.738	-243	-2,07
ERAIKUNTZA	6.341	6.428	-87	-1,35
ZERBITZUAK	79.897	77.420	2.477	3,20
AURREKO ENPLEGURIK GABE	13.042	13.033	9	0,07
LURRALDE HISTORIKOA:				
ARABA	19.863	19.000	863	4,54
BIZKAIA	63.157	62.361	796	1,28
GIPUZKOA	29.885	29.437	448	1,52
EAE	112.905	110.798	2.107	1,90

ESKUALDEKO BILAKAERA

Tabla 4

	Langabetuak	Erregistratutako langabezia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bajo Bidasoa	3.807	10,2%	63	1,68	-266	-6,53
Oarsoaldea	3.450	9,5%	89	2,65	-138	-3,85
Donostia-S.Se.	7.187	8,3%	203	2,91	-460	-6,02
Donost.Oeste	3.038	8,0%	67	2,26	-51	-1,65
Tolosaldea	1.936	8,3%	67	3,58	20	1,04
Urola Erdia	1.184	7,7%	-17	-1,42	-20	-1,66
Goiherri	1.641	7,8%	-30	-1,80	73	4,66
Alto Deba	2.372	8,0%	-45	-1,86	-1	-0,04
Bajo Deba	2.610	10,1%	-30	-1,14	-69	-2,58
Urola Garaia	1.107	9,2%	34	3,17	57	5,43
Urola Kosta	1.553	6,9%	47	3,12	-123	-7,34
GIPUZKOA	29.885	8,6%	448	1,52	-978	-3,17
Vitoria-Gasteiz	14.945	12,1%	452	3,12	-193	-1,27
Valle de Aiala	2.260	12,1%	70	3,20	42	1,89
Rioja Alavesa	631	11,1%	34	5,70	-66	-9,47
LLanada Alavesa	716	9,4%	34	4,99	-11	-1,51
Estrib. Gorbea	303	6,3%	18	6,32	-11	-3,50
Valles Alaveses	431	8,2%	15	3,61	16	3,86
Montaña Alavesa	94	5,7%	5	5,62	-2	-2,08
ARABA	19.863	12,0%	863	4,54	327	1,67
Gobela	4.468	8,8%	90	2,06	-239	-5,08
Txorierrri	2.130	9,3%	112	5,55	-71	-3,23
Uribealdea	2.852	8,3%	30	1,06	-192	-6,31
Duranguesado	3.264	8,8%	-195	-5,64	49	1,52
Busturialdea	2.158	10,0%	81	3,90	-2	-0,09
Lea-Artibai	975	8,2%	-26	-2,60	-6	-0,61
Encartaciones	1.913	12,3%	43	2,30	-49	-2,50
Arratia-Zornotza	1.446	8,3%	7	0,49	-65	-4,30
Medio Nervion	1.312	10,1%	31	2,42	-7	-0,53
Bilbao	21.751	13,2%	145	0,67	-910	-4,02
Margen Izquierda	16.403	13,3%	425	2,66	-828	-4,81
Ibaizabal	4.417	11,0%	55	1,26	-51	-1,14
BIZKAIA	63.157	11,4%	796	1,28	-2.388	-3,64
CAPV	112.905	10,6%	2.107	1,90	-3.039	-2,62

* Bizkaia eta Arabako eskualdeen batura ez dator bat lurraldeko totalarekin, Orduña udalerria Bizkaikoa izanik Arabako Aialako Ibarra eskualdean kokatzen baita.